



NOBILISSIMO; CLARISSIMOQVE VIRO DOMINO D:  
**MICHAELI SARRVS,**  
 IN SVPREMO GALLIARVM SENATV  
 CONSILIARIO AEQVISSIMO &c.

D. IONCOVET Praecatur.

HONORES, SANITATEM, MAIORA.

**Q**VI felici Magnatum auctoritate praeferre conantur fame privataeque laus temeritatem (Vir Illustrissimo) suos dum extollunt tralatitia laude fautores, garriunt aut adulantur. Pro-  
 brosum humanae gentis malum adulatione, genere vel inani potentia tumidos iniqua rutilatione demulcet, sedis vero imponit aucupibus fortune ditiorum. Molestus forem tibi grauis istos si-  
 nugarum architectos imitari vellem, aut astu simillimo vincere, cum futiles asperneris blanditias, turpissimoque recuses adulationis idolo vota nuncupare. Raram facit cum assentatione mixtu-  
 ram amicissima veritas, quae à virtutum tuarum enumeratione me summo: Cum probe noverim me humilis stylo citius confessorum praestantioris ingenii doctores, quam aut natium decus aut  
 quidquam de fama bene meritis es, confernaturum. Adeo verum est nihil ultra se sapere. Te itaque diutius non morabor, in delineanda eà singulari integritate, quae sic te ab ingentibus curia negotiorum expedit, ve-  
 plurimos regis laude superes et iam omnibus videaris dignus fastigio sacrae Themidis Domus, in te cum facili litterarum amor felicitatem inuenerit, fortunam virius: quibus mea dum libo aeternum duraturi obse-  
 quij pignora, hoc vnum te etiam atque etiam rogo, ne hominis illius cultum fastidias, qui si tibi quam optat ministrat sanitatem, satis se ex Musarum commercio virtutis et fortune tulisse, patam profitebitur.  
 Di faciant laudis summa sit ista mea. Bene vale.

F.A.P.  
 BALTHAZAR



# QVÆSTIO MEDICA.

## QVODLIBETARIIS DISPVATIONIBVS MANE DISCVTIENDA

### IN SCHOLIS MEDICORVM, DIE IOVIS XI. FEBRVARII,

### M. LVDOVICO RENOVARD Doctore Medico, moderatore.

852



*An flatulenta Hypochondriorum affectiō cathartica mitiora?*

VMOR melancholicus, crassus, lentus, fœculentus & terrestris, frigoris & siccitatis patitur dominium, copioso diluitur sero, corpori robur, animo pertinaciam conciliat, in secessum & solitudinem ducit, ingenio, non tamen perspicacissimo beat: hæc quidem dum naturæ tenetur legibus: quas si præuaricetur, metu mororeque sine causa percellit, horrendis terret infomniis, totque & tantis vniuersam corporis & animi æconomiam turbat procellis, vt sœuissimi instar dæmonis in furias agat, diuturniores quartanarum moras, melancholiz deliramenta, icteri nigri spurentem, compactas lienis & viscerum obstructions, maniam, cancrum, hypochondriacum affectum, similiæque naturæ afflictæ dira flagella in generis humani perniciem & Medicinæ pene fuscitat opprobrium.



HYPOCHONDRIACA passio flatulenta dici potest: cum melancholia hypochondriaca confundi non debet: venarum est arteriarum-ue mesenterij, iccoris, omenti, ventriculi, pancreatis & lienis ex obstructione, calida & sicca sine inflammatione intemperies: quam ær calidus siccus, paludosus, aqua lutulenta, falsæ, fumôq; induratae carnes, brassica, studia, sollicitudines, otium ac morosus amor inuexere: quæ rarius mulieres, sed viris affliguntur multo grauius. Flatulenta præcordiorum dilatatio, murmur, æstus, respiratio difficilis, acidus ructus, sputatio frequens, in solens cordis palpitatio, balbuties, vertigo, cephalalgia, infœelixque lipothymia, infeliciorem vbiq; affectum hypochondriacum dum prædicant, indicant. Qui si in grauius ruat metu tristitiæque animum deiciens, in hypochondriacam melancholiam deducit, epilepsiz, conuulsionis, apoplexiz, paralyseos adsciscit pericula, non hisce tamen omnibus omnes vexantur symptomatis. Quisque suos patitur manes.



NEFASTIS licet affectionis hypochondriacæ symptomatis, suam nondum immiscuerit malignitatem febris, multum tamen profuerit à vehementioribus abstinuisse medicamentis, cum his intemperies augeatur calida, humoresque è longinquis attriti ad interiora corporis recurrant, quorum tenuiori dissipatâ portione, indissolubilibus indomiti-ue crassamenti fœx relinquitur: sed omne rulerit punctum Medicus, qui saluari medicamine debiliore consuluerit ventriculo, mali concoxerit materiam, diluentibus terrenum madefecerit succum, incidentibus crassum tenuant & lenum, obstructions referantibus amouerit auxilii, atque alterantibus intemperiem emendauerit: quibus viscera congenitum alteratione nouâ temperamentum nata, facillimè vel solâ victus ratione vel leui adiuta cathartico noxium humorem à se longius amandare valeant.



CCVLTI viribus agunt cathartica, similitudine trahunt, delectu euacuant, intrinsecus assumpta, extrinsecus admota, odore percepta reducuntur in actum. Qui statim vnaque vice per fortiora, citra præparationem, humoris melancholici tentabit secessum; illi non fortunatius succedet, quam si mordacibus cancrum mitigari iusserit præsidij aut in furentis manu gladium ponat: effusus namque & in ægri damna non raro pertinax medentis irritatur artibus & opitulantis eludit naturæ vires: Qui partitui ideo vicibus eliminandus est, quod tenacius adhæret & separetur difficilius: non colocynthide; non scammonio; non veratris; non pilulis de lapide cyano; multo minus calidioribus: quæ dum nimia quassatione melancholiam ex hypochondrijs succutiunt, morbum quidem à corpore, sed & ab ægrotante summovent vitam. Calidorum namque viciniâ medicamentorum efferatur ac magis magisque impingitur, hinc latius obstructions serpunt, æstus, palpitationes, atque humores sui exhalantibus fumis hypochondria dolorificè diuellentes, flatulentam illorum dispositionem accelerant, aut inutiles curâ producunt.



CATHARTICA mitiora dum ferocienti melancholiz blandiuntur, eamque latentibus lambunt insidijs, citius quam acquirit cundo plurimum detrahunt malignitatis & perniciæ. Sanè imitatione naturæ saluti melancholicorum studentis, operantur: plurima dum humiditate sicciorum succum diluunt: multum etiam profunt diuretica: sic indomitæ viscerum obstructionibus medentur, fœna, polypodium, epithymum, fumaria, absinthium, serum lactis, syrupus violaceus, de pomis quilibet, & similia quibus ars tribuit perfectionem. His quippe diluti humores erabenti medicamento placidius occurrendo cedunt; ac partes amplioribus referatæ orificijs suarum ferè copotes actionum, humorem impactum & obstructum leuibus ideo iuuantium subagitant quassationibus, vt reluctentem fallaci motu ad eliminationem præcipitent.

*Ergo flatulentiæ Hypochondriorum affectiō cathartica mitiora.*

Proponebat Lutetiz **DIONYSIVS IONCQVET** Dordanæus. **A. R. S. H. M. DC. XXXVIII.**

DOMINI DOCTORES DISPVATVRI.

M. Ioannes Vacherot.  
M. Claudius Seguy, Profess. Reg.  
M. Ioannes Baptista Ferrand Chir. Sch. Prof.

M. Simon le Lestier.  
M. Sebastien Rainsant.  
M. Petrus Guenaut.

M. Petrus Beauvains.  
M. Ioannes Texier.  
M. Robertus Tullouë, Censor Schol.

